



FÉLAG
ELDRI
BORGARA

Alþingi
Erindi nr. P 132/1035
komudagur 24.2.2006

Nefndasvið Alþingis,
Austurstræti 8 – 10
150 Reykjavík

Reykjavík, 22. febrúar 2006.

Heiðruðu nefndarmenn !

Félag eldri borgara í Reykjavík og nágrenni hefur fengið til umsagnar stjórnarfrumvarp um breytingu á lögum nr. 6/2002, um tóbaksvarnir, 388. mál.

Þakkar félagið fyrir að fá þetta tækifæri til umsagnar.

Í inngangi segir að eftir endurskoðun á þeim ákvæðum fyrri laga sem heimila að reykt sé á afmörkuðum svæðum veitinga – og skemmtistaða sé nú lagt til að reykingar í þjónusturými á veitinga – og skemmtistöðum verði bannaðar með öllu frá og með 1. júní 2007.

Meginmarkmið frumvarpsins er vinnuvernd starfsmanna með vísan til vinnuverndarlaga og tóbaksvarmalaga og vernd almennings þar sem ört vaxandi vísindalegar sannanir séu um að óbeinar reykingar valdi heilsuskaða og dauðsföllum. Forsagan er svo rakin og þar vitnað til laga um hollustuhætti og aðbúnað á vinnustöðum, samhljóða samþykkt heilbrigðisáætlunar á Alþingi 1999, undirritun 2003 á rammamálum Alþjóðaheilbrigðismálastofnunarinnar og síðan vitnað til samþykktar Samtaka ferðaþjónustunnar 2005 um að allir veitinga – og skemmtistaðir skyldu vera reyklausir frá og með 1. júní 2007.

Í greinargerð Lýðheilsustöðvar koma fram uggvænlegar upplýsingar um afleiðingar óbeinna reykinga á heilsufar fólks og þar nefndar margar þekktar sjúkdómsafleiðingar og er það langur listi m.a lungnasjúkdómar, hjarta – og æðasjúkdómar, heilablóðfall, allt yfir í vöggudauða barna.

Í ljósi alls þessa þykir félaginu sjálfgefið að mæla með samþykkt frumvarpsins, enda þekkjast svo margir þessar skelfilegu afleiðingar að ekki þarf um nauðsyn lögfestingar þess að efast. Eflaust kunna einhverjir félagar okkar að telja að hér sé fulllangt gengið einkum varðandi þjónusturými úti, en við vitum okkur tala fyrir yfirgnæfandi fjölda okkar fólks þegar við mælum eindregið með samþykkt frumvarpsins.

F.h. Félags eldri borgara í Reykjavík og nágrenni


Margrét Margeirsdóttir formaður


Helgi Seljan varaformaður